

姑溪居士文集卷第二十

手簡

上宰執

罪廢苟生屏息窮遠瞻望門仞如在雲外固不當輒修  
記室之問然恩出一旦義均存歿是豈平平所得而擬  
議者雖分同腐草其如餘息未殄則其情可容自己耶  
庶幾憐憫特賜省錄是身幾何顧不足以論報效期于  
結草則猶未離乎類也竊謂隨所愛生此念常在一語  
儻誣天寶臨之引詠恩施形留神往

又

非意之酷莫此爲甚儻非姓名猶在記錄則安能遽有

茲幸恩旨既臨舉家慟絕以所遇之如是則其感激銘  
鏤不待形容而後可諒雨露不私于草木而草木蒙被  
自有淺深自非力回造化未易有此服天地之仁佩鈞  
陶之錫雖多言不過于此其惓惓所系惟自信其無有  
窮盡也

又

壬午歲聞被召自潁昌亟來獲見于國門外舟中蒙問  
勞甚渥矜惻相仍未幾自以罪去流落江上十五六年  
方其來時一妻一女子與其婦一孫并身而六相繼哭  
之愈令一身獨在晚才有此兒實相與爲命而交造者知  
其如是遂用以快意果得其實固非所辭而乃繫風捕

影巧爲訟端一墮橫逆又復五年不惟父子生離而特  
以官年六十有八豫記當敘之年則已七十遂當致仕  
祿食不繼固非所恤遂將自此以至屬纊終不能得脫于  
罪籍矣欽承至恩大德天地有盡而此則無盡使瞑目  
得爲全人捨恩地尙何望哉向風不覺酸鼻

又

暑候滋熾恭惟雍容陟降鈞履萬福某衰晚一介于世  
不異疣贅流落既久不自知其生理可乘而日期朝露  
之奄先每念獲齒門牆雖未得從眾人之後承顏接詞  
周旋盛德之遇然所得所蒙固已如萬鈞之重常在負  
荷而若不能勝端所謂子在回何敢死尙以是僂俛而

苟在也隙馳荏苒忽踰年霄壤負絕其交則氣與識  
爾蓋無時不在光明中亦閒容僭易輒通記室之間其  
如破甑敝帚不以廢毀而若有眷眷不忍終棄之意佩  
戴之深尤覺未卽仰承旦暮爲可恨減于是義益高矣情  
益厚矣瞻望恩席翼翼不暫捨于眉睫間只尺亦將自慰  
其繾綣且覲束胸以見從而敘謝則方且圖之遡風倍  
劇向往

又

比者伏蒙上恩特還愚息遂永祭祀之繼祇奉俛伏揮  
涕不知其已闔門悲感真若再生九原不味銜結可知  
傳聞里巷一口嗟惻流布所及莫不聳動具承天地之

德不閒幽側至深至厚而螻蟻微生草芥賤類驟爾叨  
蒙果有是事耶夢寐閒也眷言此義儻非極竭展盡詎  
能至于是哉訪古則或有之于時實未之見瞻詠門下  
恨無羽翰可借而縮地之無術凡屬枯株但驚根葉頓  
有敷榮之向亟將自效于躬致一言之薦而未得爾臨  
紙哽噎筆不得下者久之

又

自罹非橫五年于茲雖愚昧或致分同腐草而家世之  
傳無斯須少忘困伏井底惟飲恨忍死期于尺素之得  
伸而有再瞻天日之幸然而捨門下其將何地可控耶  
早日得報備載生成之意出于特達故缺贅聞覓覓不

如海集卷二十一  
三  
知自己夜以繼日尤如在沸鼎中前月又得報知德意  
已微而天日遂將矣目窮心匱閱月而方得之于未得  
閒其情可知既得之則其情又可知也姑急馳此介畧  
布其端餘俟迤邐申展次

又

人與己雖父子之戚矣有時而不能同地與勢若風雲  
之會矣有時而不可合何則人各有所見而事亦有所  
礙父子可同也乃或號泣而隨之風雲必合也亦有去  
來而相背況君臣朋友之際哉以是爲不易必又以甚  
賤至微未嘗接眉目通語言遽蒙忘其不同與相背而  
一語之發如石投水遂使挾山超海不爲之難而枯木

寒灰果至于再作理固莫窮而世亦莫之遇也今日之  
事是已蒙被已還惟自嗟駭不報之恩百身何據然上  
雖不期報下其得而已耶百身有盡而志則無盡神理  
其遠哉

又

竊伏草莽十五年矣殆若根蒂連結毫髮不容相遠自  
冒齒錄卽有請見親依之誠初不謂蹭蹬至今已而不  
腆之所懇惻或與之展轉資藉上投拯援既荷憫恤三  
二年茲遂欲申其素志心往形留以日爲歲尙爾差池  
竟至不離尺寸而坐受天賜雖高明照徹其形跡之閒  
可得不愧不忤已否止候措置目前猥瑣坐圖操帚平

陽之門矣仰冀重德厚恩終始矜察

又

久欲一望見門牆而淪廢孤外猶未得爲全人故蹭蹬未果自達老日益迫一旦奄先朝露則齎恨九原而自絕于一代人物也既付與遭遇之如是而不畀之以早其造物者果有意耶抑無意耶雖誦其詩讀其書不失于心期亦非得已而然爾幸同聖日可使有憾于異時乎溯詠之深罔然如失

又

竊伏榛莽瞻望門牆如隔霄壤然聖日光明同在一照臨而系懷覆盆之下私淑爲深尙稽參展伏覲上體眷

注倍深崇重

又

恭審蔽自上心圖用轉器遂膺制拜迎愛旌旄中外懽怍一口翕如是乃儲養有素理自應爾無階進陪賀客之後延詠高牙倍馳丹悃

又

禮成樂作德化日新黼黻聲名輻湊遠近權衡所倚則端蔓苦腴各得其適眞所謂粲然如繁星而麗天而舍次之辨舍五行何分斯人望而畏者實仰盛德何日親被提振向風罔然

又

近者輒以專介上浼記室蕞爾螻蟻之誠諒獲塵控春  
陽不期于私而得蒙被之歸實均織草疏外鄙樸不知  
恭事之容但獻芹炙背知其愛而不知其有犯更在矜  
恤有以諒之

又

司勳張大亨舊學曾子固爲文章整潔有程度而不妄  
形容蓋一時之秀也頗聞收采學者之幸

又

繼有所介冒塵記室特以未遂參承心如欲墜雖可謂  
激切然勢莫之應恩地常在眉睫閒定將何日獲瞻望  
忽忽初暑日來緝熙羽翼益被親信天人所符台候動

止萬福造物既有以鍾之其必有以成之一代光明何  
啻六五帝而四三王也所以周旋至是者復何人哉草  
隨風靡不自知一介疏外之有閒執筆耿耿

又

伏承討論之暇儲懋前日翰墨遊戲之蹟流傳所先想  
已充物緘襲而近時所期如眉陽老人龍眠宗子固非  
俗格而似亦不易得者輒意列鼎之飫不能無澗沼之  
毛山林之茁投閒而進舊有老人戲墨六扇一硯屏所  
寄所錄詩兩軸龍眠所畫松上道人一軸御馬粉本一  
軸乃盡所有而得于散失之餘者舉以投賞鑒蓋平日  
與二人稍款玩于朝夕不知爲可貴隨得隨失不能保

回視既往遂覺不能多取而謹藏之深可憾者別有家  
傳吳生畫天王一軸此則開卷便可知上乘恩遇殆以  
先祖得之迄今百有餘年甫爲茲日爾僭易塵控諒矜  
賜察

又

竊謂旣爲門下士則于門下種種不應有閒方先公啟  
手足以至奉窀穸皆不得自效于眾人之後哀挽挽所  
又相後時銜恨抱慙無以爲控乃僭易狂斐有託于記  
室不虞委眷逾厚過形謙謝伏讀愧畏莫知所容又復  
一時迫于修附不果親寫雖情文未至鉏鋤而私懷不  
能無所負謹繕寫上呈伏冀恩私特垂矜亮

又

每承真翰未嘗不反復吟諷幾至成誦紙敝墨渝欲捨  
不得語高而意盡藻績見于隨得信絕世之文雄也平  
日頗有味于此自獲委眷頓諭平日之習何止效顰愈  
陋端如欲避影而走於日中其超然自有到處何可得  
耶以是彌恨親依之晚而款席之尙遠也

又

比者專人回跪奉親翰欽承隆厚揆非其據雖包荒固  
不遐遺而佩服之重旣榮且感輒欲效儷句申展又慮  
接武記室五技易窮其繾綣一介之誠則其勤不過如  
是瞻望恩地但劇歸向

姑溪居士文集卷第二十一  
壬戌閏月初旬据叢書堂寫本校

姑溪居士文集卷第二十一

手簡

上時宰

初暑伏惟鈞履萬福比者無前之寶鼎然傑出穎卓之才因事尤振丕告列辟輝映相盛雖參以他務而并舉之然超軼絕塵則在是也加之制語有法事詞爲稱辱在題品遂因諦味已復成誦于所能誦則如見其人惟是不得從賀客之後倍深依向不宣

又

某自徹聲迹濱二十年固能時見一斑于管窺文豹然親承警策如前人雖萬戶侯有所不願者定能終有茲



如溪集卷二十一  
幸已否門庭愈不可及諸有志者投閒互進所長而規  
矩繩墨各得于一顰一笑因其所有亦或選掄之及拱  
把便知其材可指日遂至于合抱也萬牛回首一柱特  
表自揆則非其輩類如得一竊歎於眾人之後足矣臨  
筆增吝

又

某衰悴且復拙于養生而又傍無伙助故家食之日少  
而農務之力多是亦造物者所以付之要之竊慕末軌  
其日寓手應固當因時以勉者氣已不振而牽制復乘  
之真見負于幸得之際而有憾于無窮之暝矣尙資竿  
牘之賜時輒興起願親之勤尤覺旣高益遠矣

又慰疏

某疏言日月流逝伏審先政太傅已經除祥恭惟攀號  
躡踊五內分崩糜潰煩冤何所逮及孝思奈何罔極奈  
何某伏恨在遠不獲詣鈞屏祇候申慰瞻望摧哽可勝  
款系謹具疏不次

又

不審近日鈞履何似伏審上體眷注無或追遠之過與  
時御宜益茂久大

又

比者以所賜施二經并寧先賜鍾銘見寄者欽承至性知  
無以爲泉下之報而上憑佛力以嚴因地可勝畏仰先

如海集卷二十一  
公踐履之素不待資崇固應超特其如純孝之篤深體  
增上有教而恨無以自竭也謹當什襲時出而讀誦之  
少助勤至亦自效其涓埃也鍾銘輒忘其鄙而負緣于  
諸作者之次僭易呈浼

又

除祥之及以避辟遠豫不得其日故修敘獨後然禮意不  
得而略庶幾恩炤有以加亮不遑致恭焚席仰承變服  
但引詠巨愴遙深哽塞

與祝提舉無黨

昨日庶幾展晤不圖鉏鋤良眷眷也早來伏惟起居佳  
勝專介被問所以慰藉甚款感愧無諭行李稍遽不獲

瞻望倍深約結介還方食具記草率皇恐皇恐

又

早來辱訪別少親妙晤尤慰披寫日高尚寒恭惟起居  
佳勝于是大旆經行首賜臨問遂獲周旋燕俎所以存  
拊款盡鄙陋何以爲據非氣類曲敦疇克如此感服銘  
佩倍深繾綣適到津亭已失浮驂度其勢不得申敬行  
色系戀之迫庶幾見亮

又

某流落屏處不復通好游舊雖欽詠不少忘然門地日  
益遠矣比辱暫屈使指但竊爲一方致慶而不敢輒投  
繾綣于是弭節尙意猶在省錄踟躕願致之勤滋恨無

姑溪集卷二十一  
地不圖加惠鼎臨遽先翰墨敦論款悉如接盛遇秋冷  
感激而已他俟續貢不次

又

拜別忽忽逾時系詠雅睭但深約結累日方治行主于  
一見門下而北稍傳按部將復經由以故少留仰俟瞻  
叩遽先翰墨委諭詳盡尤佩不忘之意伏審乍冷起居  
佳勝百臆須款席可究不勝拳拳謹具參問

又

日者大旆經由丞走行府竊承會食州中已而聞改轅  
北去竟不獲一奉教督飲焉鄙懷跂詠不少間庚伏邇  
日不審尊體動止何似瞻望棨戟有必可見之地未有

其涯向風可勝約結

又

準擬還自信州便道獲款蓋論不謂行李甚遽但劇引  
詠相繼便圖上記五月中感寒疾已在必死之際偶爾  
就安然汗雨復作淹回幾五十日矣今又憒憒氣僅相  
屬書問不時端係于此亦必有以見說久聞府事嬰拂  
雖一方蒙被德澤其如方暑小勞應接不無自累也達  
吾之所自信者以聽之固知無入而不自得也日期便  
道參近倍深聳向

又

某到太平四周年第一年喪子婦第二年病悴涉春徂

夏劣然脫死第三年亡妻子女相繼見捨第四年初則  
癯瘡被體已而寒疾爲苦于其中間人情不相當靡所  
不有自忝冒敘復便欲迤邐北歸日復一日今幸苟生  
勢不容更住矣輒不自外門下之舊濱二十年雅辱知  
憐且非旦暮于是如在井中去死地間不容髮引睇尺  
素何啻再造故忘其僭易上千使臺暫借一寬舟只至  
山陽度往還無四十日自不妨別差使萬一不在所絕  
敢冀此月下旬或二十間得之幸甚先望貶付照牒仍  
得一寬潔差新者一家并亡妻靈柩同載不得不慮皇  
悚皇悚

又

某賤累三房二十餘口又有靈柩先因唐欽叟處一舟  
般載不盡又唐舟年深疏漏止可載輜重幸小子除服  
合得一舟不得已上冒其請詳筆下不能見但月明卽舉家  
如爐炭上果蒙曲應殆非平日可比伏惟恩仁俯契真  
切悚息悚息

又

某五月初寫下前啟相次得疾故修浼淹緩自取留滯  
之累前啟更不易庶幾見念知其意非今日也皇恐皇  
恐

與米元章

八月八日

某

頓首再拜漣水使君元章公閣下伏自

拜違行四年矣書問不繼相遠之勢然也到京見交遊  
尙未徧其見者道公動止與夫政事之在人口者十居  
八九則知吾元章公有進而真不愧吾欽挹之素也如  
何如何秋高氣清邇日不審尊體何似行有召命未閒  
千萬加愛謹奉狀咨聞

又

某上啟元章漣水使君節下近委推貨權處遽當已塵浼京  
師自六月至九月兩連晝夜不絕氣候已如冬月不審  
淮上如何伏惟政成民樂履此初寒起居佳勝南來者  
一口交譽謂自過揚子渡行路無不咨嗟頌詠每道及  
公名姓則以手加額上不謂至此而猶未還召其勢亦

不能久矣更希善愛以對之

又

某啟末路閒關獨得于公爲多不謂一別便不蒙寸紙  
則平日眷眷殆將委如草莽耶抑將有待于我而然也  
近見子魯曾公書道公學術高明政事疊疊挽之不斷  
企仰何及漣漪古郡距我松楸纔一水風化漸漬我亦  
公桑梓之民也未能輩父老申敬麾下可勝耿耿或未  
見忘時賜書教

又

改月伏惟起居住勝祭享傷感殆不容遣免以故先承  
降問兼辱元暉下顧敦敘稠重尤劇佩荷見命晚集敬

當祇赴只是食素不必具肉幸甚輒欲更求十數幅字  
如此紙可用否必欲得何色目乃入用先告示及當攜  
往也

與小米

元暉

納紙爲請別自一段因緣恐兩彩一賽輒煩過庭爲了  
之仍早得之甚幸流落人間乃是超世之物不易得者  
今日之遇也挂念挂念

與彭學士

某啟久別教席仰詠不能已暑伏舟行良苦尊候起居  
何似區區欽佩緒餘常有願親不足之懷于時又將西  
去瞻望數千里未卜承侍之期臨書黯然敢冀委時自

衛鄙誠千萬蓋非書所盡竊幸矜照

又

自承召命日計行李須郊外迎見遽領教墨深愧已後  
時矣將聞德誨咫尺欣款可知

又

兩日少故阻奉教席瞻向盛德義不少忘恭惟從者無  
恙承今日殿對遂卽黼座問勞之際相慰淵衷伫望之  
久方出局偶餞一舊僚出城明日當叩師几

又

久不承師誨雖再具書而瞻仰拳拳蓋非紙墨可致者  
其欲見之心朝夕東引伏辱手教曲記過存伏審赴召

已次都邑霜寒尊候起居萬福出局遂造席末區區謹  
俟侍坐

又

孤苦殆盡久不得君子之教雖餘喘不復自理然向往  
之私惟日比詠遞至忽辱手筆藹然風義未忘罪罰而  
遷官之慶有愧爲問之獨緩比日復不審履貺何似恭  
惟庭闈康靖眷聚均福書成尚在改歲常格所拘稍滯  
雄奮古者治定功成之際玩心神明而沈敏之才多後  
于躡等良務寬大以竝類求

又

今早講罷卽詣直舍承騶衛已出晚尤毒熱伏惟尊候

動止萬福少慕下風比得親侍將一月切仰高明欽戴  
無已會此遷改遂失依賴下情瞻戀何似可言拘文非  
假不敢輒詣牆屏謹奉手啟

與劉延仲

前日遣問承暫出翹仰爲懷連日出城倦甚適方見中  
閒所惠簡尋失爲答悚仄悚仄秋暑欣審侍奉萬福馬  
以病足見借爲出入亦必無用矣他日望宿戒也一二  
日相見有客才起草草

姑溪居士文集卷第二十一 初五

姑溪居士文集卷第二十一

手簡

與姚漕

某惶恐上啟運使戶部節下低回仕路常在光明中地  
偏人微無從瞻望比承振采一道而里舍所寓適依庇  
暎欣慕所期實均有眾首夏清和恭惟尊體動止萬福  
系詠門牆未獲通名將命尚冀衰遲或在記錄不宣

又

屏處江上忽二十年疇昔難忘常在欽挹敏茂該洽表  
儀多中故省戶使臺繼膺寵數而勢地既阻無從修記  
其知懷德固不少懈也比多在墳山失于承候今已在



姑溪集卷二十一  
眾人後矣亦鄙分所應爾也餘塵未拂尚幸按臨得從  
賓客之末乃所願言庶幾侍坐披悉

又

退縮里巷實依德庇眷言疇昔蒙被有加拳拳負荷之  
深未易形容可究也冬候未寒日來尊候動止何似委  
寄固重而隨地振采下受其賜上收其效日聳裒顯遂  
膺柄任非特一介私淑而然乃公論之所歸也引詠門  
牆可量傾邁

又

中間使人蒙枉教尋欲修敘而持書人已不見差池重  
意之辱寄顏無地衰晚兀兀待盡而已比聞暫總帥事

輒期一見以酬素志蒼顏白髮仰附後車之載或能上  
助仁者愛老念舊之樂私庭無助凡米鹽瑣屑率身履  
之用是躡蹻向風何已故都可擇之勝固多乘時抑揚  
不妨自達順御而超見絕韻因以付之翰墨足爲一方  
無窮之美觀也茶馬衰舊實與榮焉臨筆倍增跂頌

又

溧水縣丞李宥者和文都尉家賢子弟也和文樂義尚  
賢天下學士大夫歸之其風流所暨至今凜然而宥不  
獨有其家風又能悉心政事所可稱美幸託臨屬前有  
改官狀四紙矣垂成之際一舉則其德倍于他日伏望  
特達俯踐所請不勝企祝方此閒陋不當率爾爲言其

如久荷眷遇亦以仰報也皇恐皇恐

與周漕

某皇恐上啟委質後塵雖不能旦暮師承然竊借光明常如星日之下臨也不腆之役久益加冗冗故稍不獲修記起居系詠拳拳當不待講而後諒冬候微暄不審爾日尊履何如早期數月閒獲依門叨荏苒不知所計殆無以自名其況尚冀未遷召閒猶及俯慰

又

某三月到此稍爲完葺蝸陋以涉夏大病甫秋卽入墳山前旱後雨以物理特有以見制竟以工料不契暫歸以俟春暖閒承接部經由每過必見問以至親屈大旆

臨顧蓬華所以加惠衰晚然嘗求比于古人而茶焉何堪未易負荷高明一時人物得一望已爲遭遇而委曲睠存之意有加無已非今日之事也臨筆倍深依向

又

逼至節方自墳山歸恭聞大旆經過纔信宿失此參近重以爲塵已而捧所墜教存拊踰厚紬繹增愧退揆畧無可采而盛德禮意日隆定將何地可酬茲幸向風罔然

又

伏蒙親寓別幅留貺朋罇飲君子之德而研味委意之寵如奉款席可勝欽戴又復超世翰墨文詞之盛璀璨

溢目一時勞遇未易形容也不敢別具公狀為謝深恃  
異瞻

與和州太守曾延之少監

某啟近遣專人通問上謝當浼鈴下乍晴遂有春思隨  
時抑揚想多勝趣系詠雅眷尤極繾綣邇日復不審尊  
體動止何似鄙陋還家濱一月愛民惜物之譽日有欽  
向以華門圭竇得之已如此則士論騰播組織于文字  
語言閒竊謂君相已在紬繹矣入奉禁嚴藻績世德是  
乃一時之盛事也夙庇後塵彌用擊節

又

某到家即欲作書因冗瑣遂已淹晚前日方克展敘不

識果有以見亮已否游定父行欲申敬問適有少故輒  
不暇及某家人回具言佳客憑陵連日醉笑竟使積陰  
廓徹萬卉紛敷以成同樂之勝獨不得展轉末軌但深  
引歎占高南望吾家山水實在樽俎間能復指顧俯及  
衰舊而恨不得與之周旋否向風耿耿

與元祖慶法曹名憶

近聞行李之便謂得從容明爽展盡系吝往見不遇辱  
顧相失晚節僅能一接語遽驚操袂殆若有以主之于  
今不自已也既而遽圖修記道此不滿荏苒不契于是  
疾病乘之幾成踏蹬高義可懷要須冰雪可鑒未聞與  
時御宜以期絕詣蓋君子相忘于道術非咫尺低昂所

計也

又

某自到貶所卽聞盛義秀粹樂易應接無一罅可指固願奉從容仰借振采數因所往還以閒舟車假道之際久未我與可勝牢落異時投足治下私幸可以更僕承教初則適有所未暇旣而服食差爽稍謝通詣迄去僅一識面追訟每日邑邑比捨策又復草草操袂然所得度越所聞亦多矣晚節何堪定將邑邑終不滿抑遂充足摑載以歸耶收之桑榆敢昧欣跂

又

某再啟相距纔百里地欽向旣重自當接武申敘雖不

能旦暮亦足資藉他日之好目前紛擾殆人情所不堪加之衰病嬰因仍常若有以制之是宜取疏置遠而惠顧曲敦鼎來翰墨累幅展轉如奉勲懇揆非所據不知愧汗濡浹而景佩相先則君子之庭不肖之跡可保其尚在也更一月可以造請乃所願言糟粕不足以形容不審終踐所期已否

又

伏讀別紙具道尊府盛意并錄示行狀俾得紀次大門遺軌紉繹反覆愧不能已早時才卿崇班以雅素之過亦嘗見及衰退久廢筆研加之巨題豈敢輒當具以是辭矣于是君子過予竟不許迴避雖已聞命然乍病起

忽忽未完更望少寬庶能卒課高文懿學自可表揚先烈而乃問道于冥行借聽于已聵似是倒置皇悚皇悚

又

竊承受代非晚亦有意相過佩服盛義豈所堪者八月卽在左右或前駕庶幾猶及迎展尚幸遷就無致相失也跂向跂向

與龔平國

一水系望無異鄰牆投懷之懽實託舊物固當乘閒就展與接武交馳乃曠日持久才一通問其情固不如是而表見所期詎得無所負耶念之殆不容少自寬而亦覬雅眷有以亮之至于相悖勉謂糟粕之傳不可以廢

而加警焉庶幾翰墨閒有一會面之慰也秋日曠爽伏惟燕居優暇動履清勝老日不異平時姑兀兀取給目前以待盡耳尚冀摧頽或可杖策遂有周旋披寫之幸未閒倍加保嗇苟可以寓之形容者無惜猥及

又

去歲蒙賜教尋具報比辱垂諭乃知今夏方到定將何處濡滯然耶因是再枉手筆累幅款盡如接更僕其爲感浣可量纒繆依田爲生一水旱便覺費力不腆之託二年沈沒今秋粗理又復暴漲可慮待哺嗷嗷不知所以爲策德門隨遇爲生計亦如我之窘常日佳況少而猥念多豈造化別有所命歟不然何特于我輩加甚也

姑溪集卷二十一 五  
古人未始以此自放帶經而鋤尚安知以彼輒易政須  
吟哦妙悟叩牛角而爲之節低徊稍休則寫之筆下豈  
不綽綽然有餘裕哉茶焉奉將蓋門下舊物也臨  
筆不覺縷縷自餘非會晤不展

又

別後雖再修馳鄙懷曾未披寫姑爲目前所牽制而然  
要亦終何補于系念哉葛大川來聞爲況稍詳細釋賜  
書則情好有加而巳眷言欣慕早朝于歲晚者于是  
彌厚重歎慕焉何以仰對老秋日來起居萬福大水彌  
互東南依山占高猶有幸免獨吾邦瀦爲一大湖始則  
微茫木末今更不知所涯際昔所謂稽天者其在是乎

徙家墳寺已幾一月來之不早衰病遂爲陰溼氣憑陵  
憊憊僅存視息使不失故常則別是一種境界方其嘯  
詠自適過從不乏頗復及此捨攘否霜候可期日念歸  
壑蓋周旋勝踐實出素計要須還家乃克自浣大川忽  
相顧山閒粗得相温日期甚迫而方病瘁加之翳晦不  
我爲地作書如在夢寐中所不到處與夫鋪席失次庶  
幾矜照亦恃大川必能詳盡也

姑溪居士文集卷第二十一 初五子夜

姑溪居士文集卷第二十三

手簡

與龔平國

大川來如獲款奉方爾詠思為慰可知自藏雲距采石  
才二十餘里意念固不捨以是滋不能已但系累相仍  
第一以老病故殆似非人力也湯泉早晚成行平日恨  
不能得周覽其勝異時賢主人表發又別是一段佳事將  
為吾之別館矣彥發諸郎同之否歷陽不異鄉閭邑人  
欣慕頗承樂趣較之陋邦何啻千萬里之遠老日所以  
杜門卻掃詎得已哉一出境便是樂國如獨力家務遽  
脫不容暫何且以前者為計有至半年未嘗一通書未

如海集卷二十二  
論契好之厚於人情端有是乎因循苟且爲患實大不  
思不勉定誰之過庶幾收之桑榆非爲向我者乃爲好  
爾左右還亮之否耶

又

前日自墳山歸不虞駛足遽去急于具問兼慮巢君恐  
遲久目前無可專委邂逅假託已而甚恐或沈浮得報  
雖幸遂而反愧倉猝不謹肅爲有負也彥質況味果爾  
固不易遣得一氣更自能向安矣然巢君不可不延接  
其術似都不與平平者等試邀致任之字周士記其的  
乃名醫也到卽想見遠近赴之不輟且云向日黃縣丞  
請來太平州者乃是其人大川必留家而行廬江果有

效否盜賊充斥豈不防耶柳集荷挂念可以轉借及幸  
甚幸甚

又

咫尺不謂聲問疏隔如是亦家難多故一向不復自理  
屢欲渡江一見諸游舊今尚未果非徒無暇亦自無況  
來教遽臨伏審邇來起居住勝邂逅三四遽督書而來  
介云不可少待倉猝爲報殊愧滅裂續當別馳附次

又

蒙寄佳篇讀之幾不能釋手別後勇進一至是自應超  
然絕詣不作則已也便速酬報未及少須異日不愧續  
貂吹乘閒必多佳製少日或得就覽編綴旣嘗一贊則



九鼎之快可得已耶大川近病幾不可救今已無恙質中高雅但貧不醒奈何來貺已示之矣必自有書去也

又

葛大川在歷陽否如在可勸令歸自廬至無爲一帶盜賊蜂起單獨攜家徒納命爾且歸容有所處子厚集略借弁世說枕上遮眼可附胡君至水退自可檢討卽遣還次

又

前日歸自先壠得墜刺乃承歸舟甚遽初不計許速悵然不知其控信宿體況復何似一水旱時系望固勞得見非及而正爾搶攘曾不得展意奉繼綫其懷詎可名

耶尊叔母瘧候如何胡醫果盡心門下然不問以一言而坐待巢君可喜今有書可一往迎之取道亦不遠恩修敘嗣當申致次

又

自改歲後無一日寧息厄會使然可量企仰舊于門下不疏不圖頓爾阻絕自灘洲別後更無一點墨來似可怪者其諸眷愛生理如何彥發位必同居子弟各已長立任事否諸處田園旣析各有所系仰計食口不少無甚餘矣所諭昏姻事必待郎位凡此尤當勉力也蹤跡出入多在鄰邑或田畝閒才有閒卽就見次

又

某皇恐妄作姑奉教爾豈足發揚高意但深塵澆之愧  
過煩和諧尤不遑魚目換珠信不虛矣近著時望警策  
老已無味且又比來多病家私多事未成定居每懷契  
厚未嘗不作惡若歲暮遂成湯泉之行則徑可交馳自  
是吾別館也不知仲永是遠近服紀既作大字便可作  
淘米澗千客鑊一老不足道也呵呵自是可頻上問但  
只在此交馳貴彼此稍簡易而便至祝至祝

又

彌月雨如注營救不暇殆若魚在鉤禽被弋求脫于萬  
一者尚何及他哉然念君不少忘也忽被遣問承舟人  
便道抑遂特來方時見及感佩尤不知其據雨復作體

履何似道絕安得一面謹先此問途他日款晤

又

大川來不惟得承踐履又得拭目佳句得我矜式殆非  
小補審昆仲朝夕講貫于是甚惜不得投足後塵也此  
事眾人方譚之非豪傑豈易特立欽趾彥本諸郎穎秀  
不倫德門自應如是諸墳想不輟檢校不爲水所及否  
彥質竟失伉儷料不易處彥淵也也有美除否當遂留京  
師大川雖不久計暫失過從企向企向自此相望差近  
便由采石增坊展轉似可朝還暮晚猶存待子來日不  
審成煩見亮否非偶爾也

又與吳醫

一時事僭易龔平國承務以其叔母彥質閣中也欲得左  
右一過和州診視上醫固閱徧亦來太平就治不效竊  
謂非高明不能起之和州距門下一宿之近必不難于  
暫屈醫所以廣陰得而龔氏賢族切望不以有妨為阻  
幸甚幸甚

與龔彥質

比閒捨舟非特有慰瞻識周旋誨晤實有得于桑榆不  
謂舍館累日竟不得一接語再枉玉趾及復出見不能  
欲馬此懷何以自控前日以先親諱日前期命舟即墳  
壠飯僧經宿而後歸意謂終得少伸鄙素到家則聞已  
歸繾綣弗類殆不知所負荷不審久要頗矜察否日來

體況復何似目前粗理徑圖面敘惓惓之深茲表其略

又

一見灑然徐輒自愧業已束裝而盛意幾成虛委不惟  
忽忽不滿蓋欲輟行則不可遂操袂則非所安曾次搶  
攘殆不知所為控晦叔處文字猶未敢就請實未有此  
暇爾以一力周徧無窮事加之老日支離良自感歎此  
欲精意作書亦爾掣肘少待則慮後時定應促膝乃克  
詳諦

又

投分最款所當旦暮而輒鉏鋸不契聲聞不乏特人能  
為我傳道者親炙之私要須不少間斷而譏評商推遠

此下二首在大川末一簡後

圖向上為棲止斯其志也亦所欣慕爾繾綣此念不謂  
 得之而遽失之追訟牽制何以自贖別後又復幾日乃  
 就渡比到役次遂病幸免作殍爾逼節到家特為時享  
 與展掃墳墓解后雨不止家居不自安稍晴事竟又趨  
 役次次第閱此月方克瞻敘申致已閣中差勝否胡醫  
 雖云然不可不廣營治也巢吳甚工今有書與平國一  
 往迎之自含山半日可到而含山來城中一昔爾早時  
 黃元明邀致取此途甚徑為人極有理本學者須善遇  
 之也孫子實有子昔皆見之今官守何處

與榮天和

長至伏惟多享福慶往來累月皆不果通問恩恩易久

閣中差勝一簡在比向檢冊一首送

別來之思不暫已也解后公倩得所寄書蒙示錄感佩  
 無已農家作勞不謂老境方得之因勞知逸深恨已晚  
 也蚤晚少休遂歸首圖展近次

又

晚來體況佳適昨月荷垂顧為具疏簡非所以待吾老  
 友然晚日自是一種境界須得氣味同者乃能傾瀉況  
 的慇信厚昔所畏仰者哉既忘其儀物之不至又辱盡  
 量滿引至不可勉而止其為感佩可勝言耶方圖具謝  
 專价被問一一欽領早暮得暇無吝下訪介還草草

又

霜暄伏惟起居住勝久不獲款近企仰為勞願為猥宥

三百七十四

如海集卷二十三  
攪拂致疏通問方竊自愧辱手示并枉佳句讀之聳然  
高絕固以欽畏而思道舊相博約是真相知更得老先  
生表發敦勉爲其飲助定在華顯矣感歎無喻不腆朝  
夕再當暫出十月末歸庶幾展盡

又

多日不展奉不忘瞻跂雨涼伏惟起居住勝辱手示感  
佩無已連縣事緒殆不容撥遣甚欲稍從容竟爾相妨  
良自愧歎碑刻荷珍示俟見思道問仔細然衰退豈能  
自託于勝遊之末但深慚負爾

又

多日不相問竊知口瘡作梗別無甚苦否雨不止而終

未沾足不審體氣何似欲相招聚話少時又恐未能常  
食甚跂渴也兼知新居完潔必稱雅懷朝夕馳詣次

又

大暑伏惟起居住勝近辱令似垂顧後數日方知卽到  
壽寧探候已落晚復牽迫不果一見甚眷眷也比來聲  
問頓殊殊以爲懷一二日暫出二十日左右可歸亦當  
面敘乃行也欽企欽企

與劉延仲

雨甚爲況何似異地得相解后固爲希有之事而適此  
相妨極不滿意也少閒食罷專遣人奉迎次有所幹委  
千萬不外

姑溪居士文集卷第二十三

閏月初六日晨起有雨意

姑溪居士文集卷第二十四

手簡

與榮天和

前日恩遽問途不得一就別暑中奔馳勞倦殊不知其  
況然頗有山水登覽之勝隨地樽酒之適極奉思也昨  
晚還家骨肉輩首及動靜伏承日來體力佳健病倦未  
能接人事未果上謁庶幾見亮比得劉孝嗣書委曲久  
不見其人得書如與之款欵崎磊落尤使人歎想不已  
有閒便當致報幸相及也吳思道到京必多日得書否  
不一不一

又

初寒伏惟起居佳勝日者到家才二十日竟未得一相見搶攘叢委殆不容應接雖嘗通問然不敏之愧無以自控村落閒別是一種意味忽忽幾不欲捨之而去豈鹿豕之遊天所賦耶無由屈致晤語但深悵結

又

素不習田畝閒事既來頓覺有味似是本來境界亦不自知其然也霜降風冷歲物崢嶸又將一年矣老人貪生尤以爲懼爾食貧不易支梧有求必應固不可忽高介不與流俗拘豈亦知非人所及啜菽飲水當取以爲樂而不厭前世孟東野賈閬仙輩蓋亦如之推而上之信所樂非窮通也

又

思道向借去兩畫像已取其一東坡者欲煩天和爲取之千萬留意恐其偶不記見還爾本欲作渠書爲此事又恐已來竊意天和居第不相遠可以必得雖其不在亦可取如取得且留天和處候不肖歸見及專奉託幸挂念

又

早寒伏惟起居佳勝前日登門輒留刺擾擾不自給未能從容相款極不滿意也辱手示欽佩眷厚作字素非所工又多事之際恐累佳紙姑俟旦夕投隙尙幸應命淹晚至愧介還方起枕草率滋畏不一

又

霜寒伏惟起居住勝累辱垂顧牽迫未果修謝愧詠不  
展蒙手示具領厚意疏文極工必有副本姑留爲矜式  
苟不屑行當展翰之早晚上謁

又

累承垂顧至感日復一日竟未得卜一勝處爲終日之  
會未始忘懷也蒙問并疏軸先契勘作字轉大更爾奉  
煩皇恐皇恐謹復上納甚媿有玷高文也得暇祇謁

又

多日不接語每見吳思道卽問動靜寒色伏惟爲況佳  
適示諭愧感初亦未知也少年膺此重任能盡瘁體國

則親黨與榮焉疇昔固可觀也幾日有太平之行前此  
略相顧幸甚

與劉延仲

某啟大雨蒸溼伏惟起居住勝累欲煩公作包鉤魚煮  
江南羹爲一日語笑病齒大瀉已而道絕不可出信佳  
事爲不易得也昨日領手帖存問周至感激無已潁昌  
已有報得敕辭罷便行聞公使短未竟果了可來作同  
官否乳泉賦等諸文并望付來介閱畢卽馳還正本或  
不在卽所傳者尤佳不敢留多日也路通上謁次企渴  
企渴

又



大暑伏惟侍奉起居萬福久不奉周旋傾思固不能遣  
東歸屢款禪林已而稍接巨載兄弟且獲與誠父一往  
還獨遠君子念之當不自得然西來相知道雍容湖山  
閒直風塵外人矣想像佳句倍深耿耿比得疾淹久衰  
晚殆支持不能行惟僅脫死耳外事廢阻殊不聞舟御已  
到先枉手筆佩荷慰懌可量鄙陋氣劣多寫字未得累  
年願見之懷且非尺牘可具也敬俟上謁

又

比登門不獲見累日方欲繼之特未暇也示問甚寵感  
刻乍晴侍奉佳勝亂道上還一二日再奉見次

又

比幸經由不得奉款晤少別豈勝系仰霜晴爲況如何  
佳期定何日無由進與席末但深傾向庶幾回轅獲遂  
相盡

又

風埃伏惟起居佳勝到此日欲展近牽迫殆不容出頭  
初不謂至是也瞻企拳拳可勝道哉蒙手示具領勤厚  
三二日當前詣才歸草率至愧

又

早來欲詣見偶爲賓客留連比到一二處不覺侵晚密  
阻鄙棄豈勝拳拳夜歸辱手筆恭審侍奉起居佳勝約食  
固佩勤厚屬二十七決成行尙有不得已人事勢須略

徧輟身不得遂失臨寵之意愧恨可知旦夕當幸承晤  
燈下草率至悚

又

早來客在門起又差晚索書擁至對來使極滅裂慚負  
可勝言耶少閒不審起居何似佳楮固已過厚二缶緘  
紙極精但未知包藏如何耳一笑一笑亂道或未寫得  
略告授去介少閱便歸納次尊公不敢率易上啟望侍  
次申敬

又

風埃承爲況甚佳極慰瞻企蒙問愧荷便欲祇遣而客  
來不已殆未能輟身良眷眷也馬復自早出矣少閒暫

遣所乘代步到左右如何參寥聽師並煩申敘甚欲相  
見能少留見待否

與劉君秉

拜別易得歲月雖東西相望然超世之韻常在眉睫閒  
兩附遞上記一次捧教筆自到京一向藏縮遂不復與  
四方親舊講好然薄從東位諸君與承動靜晚又得文  
思子舍尤爲詳盡正初迄今日幸迎謁不謂遲回如此  
比得寒疾四十餘日都不聞外事忽披翰墨恍若夢寐  
相接其爲慰浣可勝眷眷大暑恭審捨舟卽安尊履佳  
豫區區困劣兩日來方作字成勉強具報纔出首當上  
謁次

又

連日出城入夜方到家雨溽蒸熱徑就臥欲見既未能  
自慰而執筆之間亦復不果雖致問展敘因茲不逮蒙  
手筆敬審尊體動止萬福昨夜拜賜已二鼓後不時具  
謝悚悚一二日圖奉款晤次欽跂欽跂

與趙仲強兄弟

某啟蒸溽意況從而不佳瞻想之勤滋不能已不審體  
況復何似君求又有書附問今以小紙奉呈如聞朝夕  
過巨載家庶幾獲逢款晤餘遲相見具道

又

累日不聞動靜馳仰無喻晴色漸融恭惟尊履萬福辱

問勤懇欽佩寵眷而辭藻爛然尤畏不可及也投閒修  
敬門下入夜布敘草略皇恐

又

久不交馳方劇傾仰夢寐屢投可見于公厚薄也方作  
書欲浼左右忽叨翰墨敦諭稠重可勝欣感兼知己赴  
朝謁飲食起居如常日喜慰尤不能已然更宜過常持  
攝無忘前日之灼艾用醫也不罪僭言區區本圖此月  
一到京雨不止道路如江河勢須少待骨肉輩未來獨  
處不無牢落頗亦見念否一笑一笑

又

日欲望門遠有行色遂成鉏鋤然二十七日猶幸一見

如漢集卷二十四  
而中途雨大作乃已累日尊履復何似區區最荷垂恤  
既不得旦暮親近爲不足于是又不得面別黯然其何  
能已九月十月之交沿檄到京首圖展奉次餘惟千萬  
加愛依戀依戀

又

聞色山和尚背子段一枚僭易上獻仲強絕韻貴仕而  
又文采足以相輝聊托雅好尚有緒餘偶索之未到才  
至卽附便次

又

比以東坡卽世諸況不佳十許日來方有生意書問稀  
阻端爲此也然別來三月三夢追逐豈非高義相予之

厚有以致之不然別自有人見念故如此又恐只是自  
家妄想也一笑一笑仲南往京少味捨公誰與周旋者  
幸時溫之不妨投懼赴醉之際漜酒見向比窘迎新送  
舊外方小官況味甚惡未暇周悉續當別上問次瞻企  
瞻企

又

仲強大慰必相見稍疏閒忙有閒故應如是本欲作書  
冗甚未及極思渴亦作得數詩錄寄不暇矣容後信也  
江外酒如醎灰汁勉強濡唇必暴下如注老來恐一飲  
便脫可無念乎向才得一罇似減正潤風采一笑

又

姑溪居士文集卷第二十四  
比以親舊往來南北多至郊外畱連稍阻參問亦苦乏  
人通記瞻企風義鄙心不閒毫髮方圖早晚修敬澤之  
見過特荷存恤既非區區所素但皇恐不自勝而高明  
或未亮者是將據我于爐炭之上也集氣候蒸溼恭審清  
晨尊履佳勝一二日徑造門第所懷當候躬致

姑溪居上文集卷第二十四 初六日晨密通過

姑溪居士文集卷第二十五

手簡

與趙仲強兄弟

小詩特爲戲耳牽聯爲用自是無可作做搜索往還豈  
有他也元確兄弟曲相符同此正是措大家常茶飯過  
蒙畱念慙悚不勝所以得罪左右但日欲登門而未及  
并俟旦夕負荆次

又

月餘不奉款席思仰未始置懷抱氣候不定尊履當復  
何似比苦脾疾極無聊加之親舊閒病者相繼勢須且  
徧省視故輟身不得深幸有以見亮也親庭必已歸後

圃陰合池面荷已離水圖書環遶筆墨吟嘯參次而會  
又復絕世獨立相與抑揚勝致方是時天下豈能彷彿  
藩籬高明亦豈知有天下事耶欽趾欽趾尚阻周旋不  
勝向往之深謹具上問

又

季秋霜冷恭惟台候萬福雍容朝路孰不腰金佩玉煌  
煌交映然文章足以表見議論足以稽考蔚爲本支典  
刑而士大夫想望願親近而不可得則捨高明數公復  
何人哉流落何堪幾三十年爲河間賓客矣詠懷疇昔  
恨無術可以紿地尚覬聞望愈隆建旌分社永爲帝室  
賢輔

又

相別不覺許久書問曠三二年才一講初意門下之迹  
已掃不謂記錄不替毫髮而書來疊疊有加風義久不  
傳于世枯卉可復再榮惟風義不衰則乃有向榮之望  
固知盛德所鍾亦自愧不振一至是爾高文麗句頃獲  
成誦別後不得一厯眼是不足訓耶抑因循所玩也衰  
茶或未見棄時丐筆吏傳爲異鄉警策實假寵于我爲  
重狂狷或時有之私居之筆力未果求教徐圖上浼園  
亭之勝幸一一疏示所因或得附各詠歌之後豈非至  
願

又

荒悴流擯終乃几案閒一物不謂一別便爾懸阻窮荒  
衰陋無聞見無商榷無圖籍可考兀爾枯株但未死耳  
每懷從仲康仲強談笑緒餘之末劇飲狂笑閒形吟賦  
初不計尚得生今日緬懷一夢可勝感歎越寄缺登閒  
但以目前爲遣免異時縱得再奉餘亦無頃昔人矣向  
風幾至酸鼻

又

薛夫人尊候萬福後來更有幾明珠平日嘗獲瞻望者  
計獨蒙不棄青氈異時樂院想多列屋而閒居但見思  
道子椿諸君云絲竹未嘗少輟德美才秀而福與之俱  
可咫尺輕有所彷彿哉子舍必多在官守令弟想各進

擢矣令壻學士恨未參識書局料不能久仲惇諸姪當  
已出仕

又

衰莫淪落如在井中奄奄未絕時于缺齋閒望見青天  
白日心知其然而無一援之而出者故一得賜書未嘗  
不感慨梗塞期尺素于可援而杳無與應終歸之于造  
物亦未能果爾一決也歲云暮矣其懷抱可知比辱思  
道處腳力所傳手筆惇諭疊疊固已不勝負荷而思道  
子椿書中具道周旋記錄誠義有加而不已反覆翰墨  
細繹二君之傳但愕眙宛轉無地自控惟改易昔人詩  
語以寫其憂云安得兩黃鵠攜之置其傍暑候已深日

來復不審台候起居何似不腆之于門下殆非苟然者  
十年漂泊親戚朋友號疇昔之厚者或近在咫尺或便  
道吾廬尺紙之不通與來略敘寒溫既見而不情之語  
如湧至掉臂而不顧者往往而然獨吾仲強瑩如冰玉  
無一瑕可指而凜凜見圖如一片天成地貢以表表稽  
之物理未易形容似是佛語所謂百千萬億劫相因以  
至是也感激之深筆次不覺縷縷何時一奉促膝之款  
向往滋劇

又

清晨伏惟起居住勝到此至于一拜見既不得從容遂  
計餘日獲盡鄙意昨日已具馬將北去遽報東坡喪舟

來亟往郊外致奠倉猝不卽爲問似于豫約鉏鋤極不  
登所願也只今且歸無緣再款門第欲焉系戀若不容  
自控到穎昌時得申致次欽詠欽詠

又

經宿恭惟尊候萬福少別思詠不暫忘于是得奉頃刻  
固已甚慰而未獲傾盡尤不能已方圖修記遽枉手筆  
敦敘稠重感服無已朝夕再當祇造百冗具報草略皇  
悚欽跂欽跂

又

去冬了葬事今年三月遂徙家太平早時欲隨援而出  
今復再墮豈造物者終使汨汨于此無復可出之期耶



抑困之至極而訖有以副其必援也所冀無他姑欲一  
至國門與平日所厚如吾仲強一二人傾倒數十日遂  
別此生爾悵然未得之間可量繾綣方時炎酷拂雲之  
檣皆有超世之趣歌舞醉笑之餘自傲于垂世立教興  
亡治亂吟風詠月抑揚頓挫之際爲河間東平所以爲  
樂則盡矣至于平臺賦就而鄒陽枚乘蕭颯偃僕欲進  
而不可得則不審尚能歎息以期之已否三月末纔捨  
舟便爲暴下所乘淹延四五十日至灼艾方小康今猶  
目昏耳重不知所以爲況故作書意不聯屬時有修改  
處高明姑領其勤可也欽跂欽跂

與儲子椿

雨不止山居岑寂尤渴奉警策旣難暫遠又不敢坐致  
車馬可勝欽系忽辱手示伏審乍冷侍奉起居佳勝今  
日本欲入城以分付少幹未有人可託勢須一二日間  
可遂瞻奉山陽遷改日過過又凡百萃在一身念之如在  
風浪中不知果能到岸已否良可懼也

又

節前奉專人賜教累紙稠重所以見求之義有加疇昔  
方時與金陵諸老作緣欲作報不暇反轉展十許日纔  
了此一段勝事以故留連鄙誠似已緩矣當在深照踰  
月不雪氣候如初春多作上壅咳唾痞噬赤目諸恙老  
境極不自得不審履況當復何似傾馳款悉甚于茲時

如欲插羽翰凌汗漫超出於形骸之外而不可得其所  
以疊疊于高明者可勝況哉歲晚牢落江山隔前促膝  
握手歷敘前人經行之舊可慕可慕遂將延挹相安得  
亟逢此邇風倍增款慰

又

新陽固當一舉酒爲君子之慶咫尺不逮我勞如何里  
閉正以茲時爲勝遇盡醉過從徹交歲無虛日不審能  
有此樂事否客寓無一如所念者姑念佛杜門與佛乘興作  
佳好要是窮途究竟如是爾每想像物外亟欲卽之常  
若有以繫之亦意投懷深盡或有得處于我不閒一毫  
髮也未閒時幸寄聲俯慰展轉之懷

又

睽奉忽忽踰月日有馳懷霜秋比想履中佳勝損書累  
幅良愧見厚之意封吟非遠時聽聲聞爲慰也餘惟事  
外自將復謝疏略

又

少別瞻思不展到此首幸款奉然雨露牽牽玉趾極不  
遑昨日又煩迂顧雖投分置此形迹其如仰懷未易堪  
也方得紙筆作謝小童又出簡誨寓意太重遂欲據我  
于爐炭之上耶皇悚皇悚晚來承動履清勝入城方得  
就見拳拳之深當候面奉

又

高文讀之聳然豈出于誠意故爾條暢似是抑鬱既伸  
詞源自然澎湃也欽歎而已某已令謄寫錯了又改故  
差遲耳更有一端須相見熟議副本謹已什襲

又

自當塗歸初不得一食頃休息長倩之所目擊也所幸  
形迹相忘故得以仰依誠照其如疏略一向不無可罪  
亦庶幾有以自遣加之風波益可畏舉動來干不測本  
圖歸保故棲因而卜一作繭處今又鉏鋤不免聽其去  
來姑了一日爲一日計爾稟賦不厚投老境界乃如此  
可歎可歎長倩美才既脫非橫當益刻礪進修率履古  
人不到之地是交遊之所懇惻不妨屏他事粗進飭粥

以激志操仕宦固可指日爲期要當自我而得爲佳至  
于報效知己是亦爲報奚其爲爲報哉千萬深亮無以  
語直見罪

又

二月更欲再過當塗逐日事如蠶作繭愈纏愈縛更須  
入湯乃脫其何以堪耶故爾濡滯悶損悶損家居况味  
如何七日不舉箸十年不製衣亦恐未爲貧耳一笑一  
笑他須款致

又

近連奉書稠重累紙感佩無以爲況伏審曲肱樂道與  
時御宜慰怍何已老倦疲于應接數次掇拾欲還莊居

因得展敘尚為事奪瞻跂瞻跂于是特枉專誨疊疊見屬深畏不忘之寵自非誠義相求終見寓于可託之地何以如此茶焉不類但劇負荷止候一二事竟即圖造請纜稅鞅便遣人咨候矣

姑溪居士文集卷第二十五

初七夜赴宴歸按此兩窓蕭然饒有秋意

姑溪居士文集卷第二十六

手簡

與儲子椿

相別遽將七年初謂即在華要歲闌向爾得非固為靜退取重于一時耶欽跂欽跂桂玉淹回自亦難處定復何可以補外都城住久無適不宜外官豈易彷彿特俸雖厚亦不知其為是乃不易酬對者更希裕處期之必達而已衰悴旦暮人爾杳未有會晤之涯臨筆倍增依黯萬一得再相見實所翹跂

又

伏蒙別紙該貫彌認冰玉但密邇玉色常聞天上語晚

日豈不彈冠特如老病不調何宣城舊例不復完良可惜但無唱之者守令方時皆開爽通氣類似自棄之爾重祿固難常有產則能長頗思之熟否思永告歸甚促殊不逮意續別上記次

又

昨日獲奉厚眷幾至抵暮從容緒言一一皆可人意而置食精潔備盡勲款超然遠思頓還舊觀蓋到此未始有此況也其爲感慰可勝道哉晚歸南寺已失玉趾似是無投足地故不及相待甚不遑祇極快悵方圖上記遽被翰墨并佳閱清詩詞度前人韻至押到老鈍遂當絕筆珍佩何已適爲南僧約素飯飯後或蒙迂步何幸

如之然未敢必也

又

前日承見顧稍此阻潤遂獲周旋感激不能無所慰也偶腹疾作不果款留至念之示問尤佩勲懇洞庭春色詩畫在監酒趙供奉處可託少孫就取此已無淨本而游郭諸篇亦不曾留次第趙君卷中皆有或得少屈佳思共成勝事不無小補旦夕上謁

又

時序催感加之雨又溽不解老病相乘殊不知所遣免忽披手字并賦和詩篇隱然振起尤愧前日之妄作也愧佩無已伏審日來起居住勝倍慰瞻企來賜輒私有之

將時出吟諷以代良藥不免牽強筆墨別錄以致元發  
遂寄禹欽也路通首當上謁次坐客草略皇恐皇恐

又

昨日承教甚新警慰多矣早來起居何似溼熱意味尤  
不佳玉趾所投庶幾意諭北觀能不憚遠否不爾當尋  
故步懶作字不果及元載元發明叔望就約也

又

昨日欲候門下竟夜起不得遂阻展近乃知老境如是  
甚可歎也既審侍奉增慶辱手示并和篇咄咄見逼太  
甚東坡嘗謂如我輩不勞逼而歐陽文忠公之和詩本  
是襲人後而聖俞每度越十步外何耶于是何止十步

蓋千萬里之遠矣因輒得玉又獲珍藏之盛感刻感刻  
少頃或得就見宿惡未殄修報極草略皇恐皇恐

又

日者具聞問至略亦謂事稍閒可以巨細申敘中春後幼  
穉輩例作寒壅無一日不用醫加之舟車居不便無復佳  
況遂成踳躄每以爲念也故人來備聞履踐之勝慰仰  
可知浮沈閭巷人不我貴久矣然改觀生敬侵尋以致  
于建旗壇上而一軍皆驚則擁篲負弩可指日而見欽  
向無已家事漸宜區處有歸熟處便是迷境不可不豫  
制也咫尺尙阻面致糟粕之傳徒有愧于怛怛爾

又

伏蒙就示長箋爲禮甚重滋畏縣薄之難堪也細釋營  
緝當于天聖已前景德而後求與先後者盛矣蓋八十  
餘年不復見此作矣頗能欲僂俛追逐此特無異爝火之  
于正午之日但復熟成誦永爲矜式欽歎不足道也就  
聞遷正學職雖于表發郭勵爲可喜然薄有簡書之畏  
得無拘綴應對稍勞否不腆弊役更十許日卽去此續  
食西引不在淮上卽于國門迎見千萬以時加愛前程  
光大傾跂傾跂

又

涉春擾擾目前畢竟不知何事欲作書不果欲一見館  
下復不果蹭蹬端可愧也而豈弟敦篤樂義而無求蓋

未嘗一日不在念也漸暄日來體力何似雨不止終日  
頑坐求一投足地猶豫之久卒致迤邐水自是老年境界  
如此且亦牽率使然以故相與披寫傾盡尤不能已方  
且圖之未間倍希珍音撥冗修附殊不盡意

又

忝恩敘復方俟少間作書爲附不謂專委在門連幅瑤  
璨非止佩服重意其警拔于我亦多矣至于延譽過情  
滋畏非據來使不欲輒留正紛擾中附報不及想蒙加  
亮日漸長雨不作乘興門庭當使家老失聲于驟到亦  
一段佳事也如何

又

流落中君子周旋常謂隔遠不能旦暮追逐以投講貫之樂習閒易墮心雖不忘而力輒不契奈得已且已何至是惟可付之形迹之外爾春暖或乘興一到館下亦未定屢尋此味祇恐纔到不免紛紛遂中輟更俟紬繹豫求一可逃避處然後問道注意吾友更希爲我熟計之

又

新正已附見賀意不覺又添一歲畢竟成得何事這下入那下出良可歎息惟少年節物爭新別有一種爭勝難以語此爾一笑一笑撰述比來必多不蒙開警何耶年來都不曾道得一句好言語源淺固易涸自是終不

復津矣可勝悵然

又

塊坐已如木石雖往來太平不乏每到未嘗不歎息君子之不我俱也京師久住意況可樂處多聞見所博固不在言而腳頭所到便可卒歲其如一時勝流如仲強之好客聞復之多聞思道之勇于爲善津止雖未相識而其人<sub>正</sub>不待見覆而知引詠高躡可勝欽仰

又

太夫人貴眷暨諸鳳雛嘗聞動靜甚安必時有書至左右子全到必相見生事日進其術業則不待形容也思道今次大禮必命官且得了當不晚定作閣職曾爲之



得一佳夢似兆茲事作詩尤工今更般挈知一向盃處  
故鄉未必可樂也仲強書來每歛歎高躅不已斯人不  
易得也頻相見否其學必富其家必愈非前比折候書  
便作附上次第已作太平之行而此更甚迫適相妨爾  
非懈怠也子蒼未相識聞風甚久太初況味如何聞復  
在甚處居皆欲作書偶未暇向蒙寄示數詩輒和得在  
思道書中可取發一笑年來無復好意所向多敗人佳  
況者不知再居太平後將如何爾所得葬地在藏雲寺  
邊已用今冬舉事恨子椿不一見也終爲太平人豈人  
力所能致哉其如文物極盛之際獨留滯以老豈非命  
耶惟公等次第而進與自得無異尙冀事功表發時容

一擊節稱頌爾

又

晚來起居佳勝久別遽爾瞻拂無異自天而下老倦衰  
病之餘所以警慰亦多矣通行未暇從容請叩不能無  
邑邑伏辱手示感浣無已信物並領單騎陸行乃能周  
旋如此但有悚愧冠梳之惠尤出厚意俟歸專達別圖  
上謝次藏雲地須至拳浣玉趾非細事也得一言乃定  
爾千萬以存歿爲念不可以已成爲閒果可用就求一  
圖子分明將寄女兄蓋方時利害所同獨此兄爾林甥  
其次也纔到家卽具問忙甚不及展盡

又

別來兩附書一采石一范尉想已呈徹久別幸見而曾  
未得少慰展敘可量眷眷方暑不審日來侍奉起居何  
似乍歸冗甚加之病倦不貸艱于應接以勞思佚翻愧  
驟遠爲不易堪也一動又是一事身雖寄此而念常縈  
縈左右未能隨遇卽安執筆汗下

又

三有書方謂並不見答茲必山水有可疑者忽披手示  
慰感無已漸熱伏審日來起居佳勝乍歸應接必甚冗  
已將閱月當就緒矣既不用入學自省一半事只是京  
師一頭項卻須經意恐放不下則家食不能安也治生  
進取明是兩途且耕且戰特虛語耳想久在思慮老倦

比來益窘灼之數百壯猶未易見功次第發過或有驗  
漸謀遷居舟則已備多日矣思奉周旋以日爲歲未聞  
尤幸寄聲

又

霜寒伏惟侍奉起居佳勝一別五十日道路雖勞每想  
像友愛以慰逆旅到此已信宿而奔走所事力不逮意  
故交遊閒未果申致遽切叨翰墨拊諭周悉欽諭至眷  
可量縈縈只今遷靈樞上岸明日入山勢須事畢乃果  
瞻叩方時非遠適所宜尤當自愛千萬不須見臨也固  
願從容展接于是似未可如所私吝也傾企傾企

又

太夫人尊體萬福荆釵輒附起居上都風物似非人間  
世不知板輿肯遠適否

又

稍還秋暑爲沉何似前日遽遭講鼓所逐定于字說無  
緣良可愧也兩日偵候出沐皆云且寓學中又云在宋  
家方養源時不敢干見蓋吾曹每聚首必歡呼傾倒不  
無汨亂美意要稍疏遠爲佳方圖申敘蒙手示感服不  
已定將何地可以奉周旋恐須過試也二楊已上莊收  
刈端坐極牢落

又

流落江湖遂與魚鳥相浮沈以老而不知歲月之遷轉

平日交遊恍如夢寐間得之亦不復相期于顯晦存亡  
之際况鳶飛高舉秀特起邁如吾兄等輩者耶引詠疇  
昔雖不暫忘然聲問無從可致不圖記錄特先翰墨之  
寵申味雅眷略無一毫髮低昂歲暮何堪益信金石之  
不渝也感佩紉繹未易爲據冬候苦寒不審邇日台用  
起居何似杳未有瞻望之日執筆可量悃邑

與友人

正居運判屯田節下稍不獲瞻近村居隨所役不能無  
事候問不講遂爾踳躓而高明之地亦或有嫌于僭易  
也麥雨不止氣候如臘中恭惟行臺豐豫慶侍萬福系  
望來音日覲再款促膝臨筆可量眷眷

又

通判朝奉座下屬心盛義我方西而君子遽東若故相  
迴避者以鄙念不捨則今日從容參奉喜慰可知驟爾  
異地系吝尤不能已寒日益加不審履況復何似舟車  
之衝圓方小大理難脗合而乃稱頌贊仰如出一口未  
路何堪但擊節之不暇信乎高才博器有以得之也欽  
遲顯擢俯契瞻邇

又

別後累欲作書所寓隨分牽迫不能自裕到已數日愈  
覺窘蹙其如相得雖晚而相期之意甚厚不應在眾人  
之末也比已出關風稍順卽渡江荒僻無異逃空虛者

趑然之喜定將何日見投但闊步可期門庭日益峻矣  
魚鳥廝友遂終不得一見耶亦或有解后之幸已否興  
言至此倍深依悒更冀調護順適以符念向

又

一面歡若平生加籩致勤以失于不豫計方在宿醒卒  
不獲少饗珍潔而厚意之隆則欽刻深矣方時坐閒多  
可喜事愧無一語以敘勝遇庶幾他日周旋猶能披寫  
追錄相爲掀髯一笑也

又

廊延之別三十年矣一時人物顯晦存亡炳然如昨日  
事眷言英特自當超出時譽爲朝廷立不世之功紹續

元昆俯循敝帚之微實借風采里舍摧頽姑日復一日  
苟玩時景勢地相懸絕定應未死之日猶及瞻望已否

又

前日人回上記比所遣還審已呈浼霜重快晴而不甚  
寒田家所共樂也伏惟起居佳勝再煩委貺勤厚累幅  
如接款晤感佩之深固不在言也老境賦分單弱得辛  
苦處便爽健一到家居温燠處百事叢萃痰病隨之瞻  
望咫尺未有參奉之涯可勝耿耿

又

累月不聞動靜意必在易泰陶新往來應接累年枯槁  
乍此暢茂良深慰喜日來爲況復何似田間易得日過

一住路西幾兩月殊非老年所堪其如眼耳俱靜所樂  
處極多要知有事無事事多事少全在人爾倉廩既充  
莫不出爲金陵山水之遊否便道庶幾瞻迎

正月二十五日補後

姑溪居士文集卷二十六

姑溪居士文集卷第二十七

手簡

與趙德麟

伏審藝學昭顯恩命殊特聳動宗藩超映士類素叨厚眷聞報不勝欣跂聖上雍睦族姓敦尚風教以粹美明博之儲適契甚盛之際定應建旄樹纛疏恩大國使河間東平不獨見稱于前世也尙冀老境未衰得從執筆者之後歌詠休明鋪寫偉觀臨紙倍深馳仰

又

漂泊江山望中朝人物如在星斗閒可見而不可親每自歎其淪落而未能遽忘疇昔之念也吳思道歸忽奉

手教惇諭勤懇如接款晤恭審朝謁之暇上體異眷讀書爲文日有勝趣台候起居萬福感佩不忘滋劇慰浣于是老矣恃與公結一報身之緣耳安知異時不復再有相值之幸更斲深討不倦忠義自許周旋寵數百歲高顯佛會中庶幾一笑相屬

與彭丞

先人爲門下客衰晚獲拜恩地荷先公委曲延挹別後屢欲再尋末軌而僂俛一力殆不知日月之行而鄙意不能自達也于是遽聞巨創適以營奉阡隴走山陽改舊卽新用去年三分之二在道路與督役山閒欲暫輟以赴所哭之位竟不暇及亦不謂遂畢大事孺首愧辭

幾不知所控訴方圖收之桑榆不謂略其所可責而察其所不逮敦諭稠重伏讀汗下稍閒庶幾不失素期執筆倍深摧哽

又

自去年正月得卜一向往來金陵當塗以理其務凡目前可應者之外略不及毫髮此特縣弱無助所致而不當于門下今日之事輒緩咄咄不敏知借面之無從爾曲蒙見索挽詞乃知并容尙可搜求胷中以見也然牽課終不能工姑不敢不如來命爾愧惡愧惡

與孫知縣希魯

到此如歸鄉里一番應接殆不容少休兩辱寵臨尙未

果再詣門下鄙心固不自安然亦幸有以自亮也向晚  
恭惟起居佳勝偶昨日飲酒過多醒思支持不得特荷  
遺誨尋失具謝慙悚滋甚少頃上謁不勝拳拳

又

往來亦屢矣尙未得一詣館下于是方欲事問稍慰鄙  
念首辱遣問繼聞枉顧感佩繾綣尤知盛意爲難堪也  
日來履況復何似比以所事未就緒未欲入城更數日  
乃克申致贈踴固非得已想蒙深亮

又

微服到此初不計許久然不敢輒通問日來伏惟起居  
佳勝不圖惠顧特先翰墨欽諭不忘感服何已無衣冠

以見門下但深傾溯

又

雨溽伏惟起居住勝比以凶類乘文閒憤恚未伸密阻瞻  
承不忘傾溯適聞督獄九江戒行有日度還轅猶在一  
月後而北歸之期近在旦暮恐不獲少待仰奉緒餘可  
量依邑乍遠千萬加愛俟息肩別圖上問

又

爲別易久踳躓不果具書日來伏惟動履佳勝忽披手  
示仰佩不忘因循修報後時汨沒目前事不覺荏苒想  
未訝也咫尺未卽瞻承倍希加愛

又



與君約同里開于過從濱四十年異鄉落拓得遂相見  
為喜亦既從容官守固無以累故人然常情所吝者可  
勝道哉非意乘之幾成秦人視越人肥瘠而彼善于此  
有之矣方時亦足為高義也老日尙可激昂庶幾倦塗  
猶能束胸以見臨筆姑奉一笑

又

久不通問伏惟動履清勝莊居咫尺門仞既不入州中  
遂不得一瞻見傾向固無已也初計野外可以苟閑少  
日比益紛擾殊不知其沉為時所棄固無憾而私營亦  
倍費力豈艱生不容少貸而然耶可歎可歎尙冀投閒  
或逢一面

又

霜冷伏惟動履清勝往來治下忽忽累月但日與田夫  
樵老相與低回益然不知身世之為累則仁者不擾之  
政何以上之數欲一見面贊其然竟爾未暇可量傾屬  
來問猥及欽佩至意事固有不得已者無閒巨細亦  
知恤隱有加乃爾僭冒無他冀姑借威名以牽其來蓋  
私力已竭矣可愧可笑他位異時請叩

與成德餘

薄有人事之窘未奉起居伏惟侍奉曼福辱簡誨惠鱉  
備仰精製感歎不已其如窮日力以盡巧思良未  
易當也什物且留續令持納次餘俟旦夕占謝

又

相遠易久早時不得一具書固非懈怠特忽忽不少暇  
爾眷言俯求之義鄙懷其可忘耶于是再奉手筆所以  
相與之意甚款佩服至情可勝繾綣秋晚日來體況復  
何如相望咫尺欲見杳未有期庶幾音駟之便時叩深  
密兩日風雨作寒千萬以時增衛瞻踣瞻踣

又

相別幾一年系望館地才百餘里于是方款交馳既竊  
自幸墮緒復振亦甚愧不逮也來貺懃懇尤佩深厚伏  
審秋晚漸寒日來起居佳勝故都搖落之餘高低遠近  
種種皆飽足人意但恐厭飫習熟不復知難得為有負

耳何時追隨笑詠以極登覽之勝遡風可量眷眷

又

累欲作書踏蹬不果勝義難忘常枉傾屬所示書累幅  
諄厚如奉周旋伏審涉冬以來體力佳健感佩愧仰可  
勝鄙陋一報緣中種種皆是虛假一毫髮低昂六鑿便  
不得休息且如德餘美才好義乃俯首人後綴綴恐有  
所不逮則彼所以窘我者定將何以寓之興言至此但  
有歎息而惟知為虛假乃所以無入而不自得也何時  
參承倍深耿耿

又

至節不敢修敬祝頌頃敦諭慙負何已前履新正盛

義感格對時交慶亦別當展敘次衰晚于一報緣無幾  
雖得君子于末路要是白首所期者不能旦暮周盡可  
勝喟詠適有少冗作記不究所懷行圖後便次

又

比奉累書方知前日躑躅爲可憾至于美詞妙翰資藉  
相予之意則恨相見之晚古人所以深歎而不已者蓋  
信其有味也日用有餘更當輾轉紬繹以極超詣他時  
將聽額望不及豈敢輒恨于世習而已自此當不乏交  
馳介還遽索不能盡千萬加愛

又

日者速欲具謝作書極草略方圖繼之以訟不敏隨分

目前益撥益窘遂爾淹晚專委遽及愧佩眷勤滋負躑  
躑爲可責也冬深苦寒體況當復何似屏居意味無異  
一日風霜翳路只得畫灰養火以寄餘息前所謂窘者  
亦瀕于勉強耳早晚一笑周旋未閒時寓音駟似不乏  
于糟粕之得也如何如何只持尺窮臘倍希保衛

又

元章跋尾過承錄示至荷至荷必多得其字蓋數百年  
無此作矣真可寶也鄙陋出于一時盛意所臨故輒狂  
妄尙何足記地錄悚息悚息

又

比蒙手示乃在區區所貢之前欽認眷勤可勝傾遡方

姑溪集卷二十一  
時故都盛麗想時有登覽追隨之適但以厭飫朝夕不以難得爲有憾也貶所褊陋略無與意等者但愧處邑邑而已頗見懷否

又

頃蒙詔恩首被翰墨爲禮勤縟欲作報非精意不能少展已而將一過故都庶幾促膝可以布敘荏苒不契遂茲淹晚愧負常若有所失方且圖之遽復委貺有加不已讀之不覺汗下于是不腆之罪不知所文矣不審久要尙或見存已否雨不止日來侍奉起居何似瞻望舍館倍深約結

姑溪居士文集卷第二十七

正月二十六日補校

姑溪居士文集卷第二十八

手簡

與無爲楊彥濟貢元名湊

早遊門下荷侍講暨諸貴相厚流落異時不能少自激昂以投平昔眷言追訟邑邑不知所控而牆仞具存近在咫尺又復龍駒鳳雛實相表發不謂至今纔能申敘契照俯求尤愧先意之厚低回展轉殆將何言春杪尙寒間居進修動履增勝人物如是豈勃率可久者接武隆盛指日可期一介何堪亦覲餘光之旁振也連日衰病支持不前作記極草率別圖上門次

又

累年家私多故今春以來疾病相尋中間至有殤女之  
戚老日憑陵殆不知其可遣免然時見子顧得聞美況  
輒資以為慰于是遽枉翰墨惇諭稠重如接講席住太  
平十三四年墳墓在焉非不欲首邱以死而輒搶攘  
比已就宣城得數椽地距此無宿不晚將遷徙以之  
安但門庭浸遙定于何日披奉向風耿耿

又

密邇久不獲修記且因循自忽而然所邇但  
深約結雨不止秋物漸登圖更為娛其得于名理蓋不  
資矣履茲勝候惟動止萬福德門俊望不應淹恤如是  
之久時未我與得無懷寶迷邦之滯乎允而盛時日聳

超軼實倦倦于傾耳以待也

又

屏寄蓋常投楚然而喜況德門俊望容參承之  
緩耶踳踳其愧何以為如聞貢藉占先  
赴續食田間但日聳高眺少慰疇昔繼卷爾自是  
將不輟修馳庶幾桑榆或在可錄

又

一住太平十年與故門庭常在企頌異時先公  
官守纔隔一水適遷金陵居未及相聞已絕明晦興言  
至是何以為贖豈虞仲氏過與特迂玉趾使得紬繹遺  
懿以信不朽拙陋儻俛方愧不逮而來翰稠重讀之栗

然汗下何時一奉周旋款臨筆耿耿

又

日者玉趾少留獲承款倍遽別不忘瞻跂改歲尚寒不  
審日來起居何似春試必在高名相遠聞之不時尚阻  
慶問其如久屈軒舉似于德門俊望爲未滿茲其時矣  
得報卽圖申敘

又

比承見諭俾得詮次先君子遺懿欽奉雅厚不敢以不  
敏辭然拙陋不足以形容有愧于俯及也輒已錄出  
謹遣人上呈見子顧及圓首座云欲趁清明納壙  
不復自緩幸加亮

又

投分世眷差池不能旦暮相款系懷疇昔每以之爲有  
緣也子顧適在比舍而姻婭所篤故時得咨叩爲慰既  
踐前列想已具續食計咫尺未有再奉諄悉之期臨筆  
耿耿

又

愚疏無遠識晚節又失周防自貽伊戚尙復何言常情  
之所共棄分當掃軌門下乃蒙惇篤委問詳諦欽承至  
義愈不知其所控也一水圖叩舊館固不難勢輒未能  
倍深引詠漸有涼思仰冀善衛

又

投分德門蓋瀆五十年之舊師承友接實均上輩而晚  
又獲見錄于賢伯仲間方且鐫刻澡濯以會器與不謂  
有此污辱殆將見絕于契好矣而乃愛有所忘始卒不  
替永言深厚滋劇愧荷何日被披承臨筆可量依邑

與韋深道居士

累欲作書率爲事奪馳情不少忘也辱問勤款如獲奉  
周旋歆焉鄙懷尤爲相盡冬煖氣候令人不爽不審尊信  
候起居何似老倦觸緒支持咫尺只又接新陽則一歲固  
無幾矣占晤未期報筆罔然不自勝尙冀不乏交馳時  
有一促膝之慰也

又

尊夫人壽考康寧貴眷萬福令嗣力學進益且令一意  
讀書先五經子書史書未必可便打套姑置科舉而無  
心于進取自然本分學術見矣凡謂之流俗者爲外物  
所制爾學者果流俗所制哉只要人道好所向無不合  
卽流俗也善者好之不善者惡之善者其今日所謂善  
乎學者審其是而已孔子亦獵較隨俗而不制于俗亦  
何能輟我本分爲學耶更須擇所與遊師友則正童子  
之命不待講而後知察令嗣有美質深道養不在外而  
低回閭里宜有報施其身不在則子孫其承之

又

終日塊坐旋尋事遣免每有所屬又輒懶惰不能葺豈

付子之薄不使預計有待而常劫劫于倉卒臨時之迫  
耶可歎亦可笑也五經已如所命偶失子言之便皇悚  
皇悚十紙偶忘之得來諭極負愧悚卽當收索鄙素塞  
白爲獻也時人簡帖亦未暇尋坐右纔有德素數番先  
上納他旋有旋特呈次他時得歸當踐前約雖未必汗  
君牛馬亦可添助篋笥猥冗然其中未必無所得也親  
情施朝請結收此等物甚博亦有可喜者其子益求君  
得好事必常往還曾就閱否半月前朝請君過此出近  
得李西臺三阴紙甚佳去古遠晉魏諸人筆墨已不復  
可得唐人班班可錄世旣不以此爲事故湮沒不傳不  
妨隨意所嚮聊費舒卷作遮眼度日計何必一一精擇

耶未卽披承不覺切切仰投一促膝之款

又

貴聚萬福令兄安勝不及別書墨四餅皆自用者敬以  
爲獻魯直近得永州丁注云四月末方離永六七月間  
可到南宜行亦甚緩兼荒遠所到處如見古人必少留  
連相與作緣爲况極不失所也蒙問及尤見風義有立  
敦篤誠意之盡也欽企欽企亦不煩多語人中閒蒙相  
約乘興幾時可以踐言學制自縣升州不知須用入州  
學否審然遂有數月過從之幸于老人非細事也兒子  
判官已一月骨肉輩荷存問乍著錦衣上盛眼昏作字  
絕艱恕不周悉



又

不通書已閱月吉祥師見過意其歸可以附記而遽行  
遂相失鄙誠未達可勝缺溯湖專介被問敬審雨甚作寒  
侍奉起居佳勝老倦搜索意味欲自激昂差得復失信  
不自然竟爾沮晤可歎亦可為相知一笑也何時瞻奉  
千萬保愛介還略見毫髮他仁後記

又

相距甚邇既阻瞻承亦不異數千萬里之遠也惟是雅  
瞻有加嘗得警慰為甚幸爾示諭侍醫稍迫服食必已  
康復初不與知失于咨問皇恐家學自是一種意味以  
美才過人蓋無入而不自得者想日有佳趣州學尚用

貢入否猶冀資藉時從容也鐙下作字殊草略庶幾見  
亮

又

蒙示諸帖除古人不得而見其諸皆故舊也生死流落  
拊卷增感少留披繹遂當題記歲月續奉納次閒中懶  
出頗資是等物以送消遣獨荷見契而又疊疊不已不止  
仰欽雅致實亦荷戴良重筆為油所帶牽率不行殊愧  
甚略

與孫肖之

相別時不謂許久計生理有經則茲地乃舟從往來之  
便而衰茶之家實幸得之不圖一水便成棄物其所幸

得者遽委諸草芥眷言欣慕無時少忘秋令日來起居復何似乘興扁舟固不在昔人之後而剡溪雪夜其能興盡而返乎不相交馳又將累月以賓客輻湊之地且皆好義而來諒不復一老系念特衡門棲遲懷詠詎能已邪屬使併修諸書愧不逮意

又

附畫贊人行有書累月矣猶未得報元白來雖不承書凡所以願得于左右者種種皆滿足人意而又倡酬佳篇璀璨震駭蒙鄙不謂尺寸之楮<sup>別</sup>斫額于雲霄之外欽歎警策感慰可知日來復不審不出里閭動止何似謝庭蘭玉自有一種風氣況嶒嶸磊砢卓然自表見乎投

分簪履之舊念每及之不覺兀然拘株而神馳乃在步武杖履之末書所不能載者元白必能具道加之自是當聲問稍密者適得此可人故足倚伏也

又

衰茶屏棄初不謂如墮井中終無可與晤語者杜門固足自遣然久別或有幽髮之病蓋元白來相聚累日實不易得之事寒擁輒閒于方款密之時似是有以見尚益歎奇蹇之不款也儀真固佳處而諸可人適在焉累辰招延勢輒見繫但辭舌自恨今則噬臍何及矣春夏乘興扁舟門庭之迹固在也未閒時仰書誨

正月二十八日補校

姑溪居士文集卷第二十八